



PTPTN JALIN KERJASAMA DENGAN YAYASAN KRU MENERUSI PROGRAM “KITA JAGA KITA”

Cyberjaya, 14hb Januari 2022. Perbadanan Tabung Pendidikan Tinggi Nasional (PTPTN) telah menjalin kerjasama bersama Yayasan KRU menerusi program ‘Kita Jaga Kita’ yang menyediakan latihan “*Social E-Commerce*” bagi memperkasakan ilmu keusahawanan digital untuk golongan belia dari keluarga B40. Pengumuman ini dibuat menerusi sebuah majlis penyampaian sijil yang diadakan pada petang ini.

Menurut Dato’ Norman Abdul Halim, Presiden, Lembaga Pemegang Amanah, Yayasan KRU, “Kami telah melancarkan program “Kita Jaga Kita” pada 1 Jun tahun lalu. Matlamat Yayasan KRU adalah untuk melahirkan 100 orang usahawan dalam kalangan mahasiswa khususnya dari keluarga kumpulan B40 di Malaysia sepanjang tahun 2022. Pihak Yayasan berterima kasih kepada PTPTN kerana membantu kumpulan pertama seramai 20 orang belia warga Malaysia menyertai program ini sekaligus melayakkan mereka mendapatkan pensijilan professional bertaraf antarabangsa.”

Penyampaian sijil kepada para pelatih terlibat disempurnakan oleh Dato’ Norman Abdul Halim, Presiden, Lembaga Pemegang Amanah, Yayasan KRU dan turut dihadiri oleh Encik Ahmad Dasuki Abdul Majid, Ketua Eksekutif PTPTN.

Encik Ahmad Dasuki Abdul Majid berkata, “Bagi pihak PTPTN, kerjasama strategik yang dilaksanakan bersama Yayasan KRU ini diharapkan dapat membantu para belia peminjam PTPTN dari keluarga B40 untuk menceburi bidang keusahawanan dalam meningkatkan ekonomi keluarga. Sebagai agensi yang cakna dan prihatin, kami sentiasa menyantuni dan menyelami isu-isu masyarakat bagi membantu mereka yang memerlukan terutama dikala pandemik Covid-19 ini. Semoga dengan inisiatif ini dapat meningkatkan imej positif PTPTN dalam masyarakat dan merapatkan hubungan antara PTPTN dengan golongan belia terutama pinjaman PTPTN.”

Sijil tamat latihan dan akreditasi dari badan profesional “*Adobe Certified Professional - Premiere Pro*” telah disampaikan kepada 20 pelatih yang menyertai program ini. Latihan telah dijalankan selama sebulan secara hibrid dan merangkumi modul berkaitan keusahawanan digital dan penerbitan kandungan kreatif. Program ini diharapkan agar dapat memberi impak kepada pelatih dalam mengembangkan perniagaan yang sedang atau akan diusahakan dari segi penghasilan karya kreatif, penguasaan kemahiran teknikal, penjenamaan produk dan penjenamaan peribadi usahawan itu sendiri. Yayasan KRU berharap mereka bukan saja menjadi usahawan yang berjaya tetapi juga menjadi “*job creators*” dengan menyediakan peluang pekerjaan bagi belia warga Malaysia yang lain.

Majlis ini turut dihadiri oleh Muhammad Razlan Ismail, Naib Presiden Lembaga Pemegang Amanah Yayasan KRU, Puan Mastura Mohd Khalid, Ketua Pegawai Operasi PTPTN, Puan Wan Zawiah Wan Abu Bakar, Pengurus Besar Kanan, Jabatan Komunikasi Korporat dan Pemasaran PTPTN dan pegawai-pegawai PTPTN.

Yayasan KRU ingin menjemput sektor awam, swasta serta orang ramai untuk bersama-sama Yayasan KRU menjayakan inisiatif "Kita Jaga Kita". Untuk maklumat lanjut berkaitan pendaftaran sebagai sukarelawan, rakan strategik dan permohonan program latihan, sila layari laman sesawang www.yayasankru.org